

ՈՒՍՈՒՄ ՆԱՐԱՆԱԿԱՆ—ՎԱՐՁԱԿԱՆ ՅԱԶՆԱԺՈՂՈՎԻ ԿՈՂՄԻՑ.

Թիֆլիզի Թանգոյեան երկդասեան օրիորդաց ուսումնարանի Հոգաբարձութիւնը դիմել է Վեհափառ Հայրապետին առանձին յայտարարութեամբ, Հայցելով Նորին Ս. Օծութիւնից բացատրութիւն ծխական—եկեղեցական ուսումնարանների կանոնադրութեան միջանի յօդուածների մասին:

Նորին Վեհափառութեան Բարձր Հրամանով ուսումնարանական յանձնաժողովս ներքոյ նշանակեալ բացատրութիւնները Հրատարակում է «Արարատի» միջոցով ի գիտութիւն և ի հրահանգութիւն մեր բոլոր ծխական — եկեղեցական ուսումնարանների Հոգաբարձութեանց:

1. Ա. — յօդ. 3.

Միդասեան ուսումնարանը բաղկացած է երեք բաժանմունքից, իսկ երկդասեանը՝ Հինգ: Հոգաբարձուներից ոմանք երկդասեան դպրոցի առաջին երեք բաժանմունքները պատրաստական են անուանում, իսկ չորրորդ բաժանմունքը՝ առաջին դասատուն և Հինգերորդը՝ երկրորդ դասատուն: Այսպէս Հասկանալով երրորդ բաժանմունքից չորրորդ փոխադրուողներին, եթէ նոքա չեն ցանկանում այլ ևս շարունակել իւրեանց ուսումը, միդասեան ուսումնարանի աւարտման վկայական չեն տալիս, ասելով թէ՝ չորրորդ բաժանմունքը առաջին դասարան լինելով, Հինգերորդ բաժանմունք փոխադրուողները միայն իրաւունք ունին այդպիսի վկայական ստանալ:

Այս Հայեացքը սխալ է: Մեր ծխական—եկեղեցական ուսումնարանի առաջին, երկրորդ և երրորդ բաժանմունքները կազմում են առաջին դասատուն, իսկ չորրորդ և Հինգերորդ բաժանմունքները՝ երկրորդ դասատուն: Հետեւաբար Գ. բաժանմունքից աւարտողներին կամ չորրորդ բաժանմունք փոխադրուողներին Հոգաբարձութիւնն պարտաւոր է տալ Դիպլոմ ուսումնարանի աւարտման վկայական, եթէ այնուհետեւ աշակերտը կամ աշակերտուհին կ'ընտրէ ուսումնարանը: Իսկ Հինգերորդ բաժանմունքից աւարտողներին պարտաւոր է տալ Դիպլոմ ուսումնարանի աւարտման վկայական:

2. Աւ. յօդ. 19.

Աւագ ուսուցչի և ուսուցչաց (նոյնը և ուսուցչուհեաց) ընտրութեան ժամանակամիջոցը և հոգաբարձուաց իրաւասութեան խնդիրը այդ գործում ոչ պակաս տարաձայնութեանց առարկայ է եղած: Առ այս եղած կանոններով սահմանուածը հետեւեալն է. բոլոր ուսուցիչները թէև ընտրվում են անորոշ ժամանակով, բայց ցանկալի է, որ նոքա ստեպ ստեպ չփոխուին: Աւագ ուսուցչի ընտրութեանը հոգաբարձութիւնը միանգամայն մասնակցելու իրաւունք չունին: Իսկ միւս ուսուցիչներին ընտրում է աւագը խորհրդակցութեամբ հոգաբարձուաց հետ: Բայց եթէ հոգաբարձութիւնը չհաւանի աւագ ուսուցչի ընտրած ուսուցիչներին, կարող է դիմել բողոքով Ս. Առաջնորդին և սպասելու է նորա տնօրինութեանը: Նոյնպէս եթէ մի տարաձայնութիւն լինի հոգաբարձութեանց և աւագ ուսուցչի մէջ, դիմելու է Ս. Առաջնորդին և ոչ թէ ինքը իրաւասութեամբ վճռելու է նոցա արձակումը:

3. Աւ. յօդ. 30.

Ուսուցիչները իւրեանց ուսումնարանի համար հոգաբարձուաց ընտրութեան միջոցին ոչ ընտրող և ոչ ընտրելի կարող են լինել. ուստի և ոչ մի դէպքում հոգաբարձուն նոյն ուսումնարանում ուսուցիչ լինել չի կարող:

4. Աւ. յօդ. 33 և 39.

Այս յօդուածները այսուհետև այլ ևս գործադրելի չեն, քանի որ ԱԿՀ. Հայրապետի հրամանով հրատարակուած կոպարներով պէտք է առաջնորդուել: Ամեն մի փոփոխութիւն նորին Սրբութեան թոյլտուութեամբ պէտք է լինի: Հոգաբարձուաց կմնայ ընտրութիւն անել կոպարներէ այլ և այլ ձեւերի մէջ և այն՝ գիտութեամբ Ս. Առաջնորդի:

5. Աւ. յօդ. 38.

Եկեղեցական այն կալուածները, որոնց արդիւնքը յատկացրած է ուսումնարանին, հոգաբարձութիւնն է կառավարում ըստ իւր նրկատողութեան, ուսումնարանի օգուտը ի նկատի առնելով, բայց ոչ մի հոգաբարձու ոչ ձրի և ոչ նոյն իսկ վարձով կարող է իւր համար գործ դնել կալուածքը, իսկ եթէ եկեղեցական կալուածքը չէ յատ-

կացրած ուսումնարանին, հոգաբարձութիւնը իրաւունք չունի այն կալուածքի վերայ, որի մասին պատասխանատուն եկեղեցւոյ երեց-
փոխանն է:

6. Ա. — յօդ. 47.

Աւագ ուսուցչին հոգաբարձութիւնը ամեն անգամ կարող է հը-
րաւիրել հոգաբարձական ժողովի նստին, ուր ամեն մի հոգաբարձու-
յիակատար իրաւունք ունի բացատրութիւններ՝ թէ բանաւոր և թէ
գրաւոր, պահանջելու նորանից ուսումնական այլ և այլ խնդիրների
մասին: Հոգաբարձական ժողովի վճիռները պարտաւորական են ա-
ւագ ուսուցչի համար, եթէ հոգաբարձութիւնը կանոնադրութեամբ
իւր համար գծադրած սահմանից չդուրս գայ: Տարաձայնութիւննե-
րը լուծողը Ս. Առաջնորդն է:

7. Ա. — յօդ. 52.

Այս յօդուածի զօրութեամբ հոգաբարձութեան նախագահը
ստանում է ուսումնարան նոր մտնել ցանկացողների խնդիրները և
ծննդեան վկայականները: Նախագահի պարտաւորութիւնն է այդ
բոլորը յանձնել հոգաբարձութեան ժողովին, որից և աւագ ուսու-
ցչիւր կստանայ ի գործադրութիւն: Ուրեմն պատասխանատու-
թիւնը ոչ միայն նախագահի վերայ է, այլ ամբողջ հոգաբարձու-
թեան:

8. Ա. — յօդ. 61.

Հարցաքննութեանց ժամանակ հոգաբարձուն իրաւունք ունի
հարցեր առաջարկելու ընդ ձեռն աւագ ուսուցչի և իւր նկատողու-
թիւնները հոգաբարձական ժողովում քննելուց յետոյ, եթէ ժողո-
վը կարեւոր համարէ, կարող է ներկայացնել Ս. Առաջնորդին:

9. Ա. — յօդ. 62.

Հարցաքննութեան եղանակի մասին առանձին կարգադրութիւն
կլինի իւր ժամանակին. ուստի առ այժմ ամեն մի ուսումնարան
իւր տեղական սովորութեամբ կարող է կատարել հարցաքննու-
թիւնները:

10. Հոգաբարձութիւնը հարցնում է, թէ երգեցողութեան ու-

սուցիչը կարող է գեղազրուծիւն կամ գծազրուծիւն դաս տալ և կամ վերակացու լինել:

Երգեցողութեան ուսուցիչը եթէ է. կարգի է, միայն երգեցողութիւն դաս տալու իրաւունք ունի: Կարող է լինել և վերակացու:

11. Հոգաբարձութիւնը հարցնում է, թէ Հոգաբարձութիւնք կարող են մասնակցել մանկավարժական ժողովներին և կամ կազմել խառն ժողովներ:

Մանկավարժական ժողովներում Հոգաբարձուաց մասնակցութիւնը միանգամայն աւելորդ է. իսկ խառն ժողովներ կազմելու համար քանի որ կանոնադրութեան մէջ յօդուած չկայ, այդպիսի ժողովները մասնաւոր նշանակութիւն կունենան:

12. Հոգաբարձութիւնը հարցնում է, թէ Հոգաբարձութեան նախագահը իրաւունք ունի ինքնագլուխ վարելու ուսումնարանի գործերը:

Հոգաբարձութեան նախագահը և Հոգաբարձուք կառավարում են ուսումնարանը խորհրդակցութեամբ. ամեն մի որոշմունք ժողովով պէտք է լինի և արձանագրուելուց և ստորագրուելուց յետոյ, պէտք է յանձնուի նախագահին ի գործադրութիւն:

13. Հոգաբարձութիւնը հարցնում է, թէ ի՞նչ պատասխանատուութեան կենթարկուին Հոգաբարձուները և ուսուցիչները ի դէպրս պարտազանցութեան:

Հոգաբարձուաց և ուսուցչաց պատասխանատուութեան խնդիրը Բարձրագոյն Հոգեւոր Իշխանութեանն է վերապահուած, որ և ամեն մի զանցառութեան համար իւր բարենկատողութեան համեմատ կպատժէ յանցաւորներին:

14. Հոգաբարձութիւնը հարցնում է, թէ որպիսի անձինքներ իրաւունք ունին Հոգաբարձութեան ընտրութեան համար երեցփոխան և ապա Հոգաբարձու ընտրուելու:

Հոգաբարձուներէ ընտրութիւնը Բարձրագոյն Հոգեւոր Իշխանութիւնը Հաւատացել է ժողովրդին, այն ցանկալի յուսով, թէ ժողովուրդը այդ պաշտօնի Համար կրնարէ իւր Միջից արժանաւորներն, որպէս զի նոքա արժանանան Հաստատութեան:

ԾԱՆՈՒՑՈՒՄՆ

Ըստ Բարձու Հրամանի Սրբազնագոյն Կաթողիկոսի ամենայն Հայոց Թոյլատրի ամենայն վարչութեանց եկեղեցական—ծխական օրիորդական ուսումնարանաց մերոց «Հայկական նշանագրեր և ծաղկազրեր ձեռագործի Համար» անուանեալ տետրակն՝ յօրինալուն ի Վարդանայ Ստեփանեան Վարդանեանց ի գործ ածել իբրև քօրինակս ձեռագործի:

Պ. Բ. Տէր Լ'կրտիչեանցը գրում է Ղուշչի Բիւլակ գիւղից, որ Կոտեվագոու վանքում Հանդիպել է երկրաչափ պ. Յովհաննէս Իսահակեանցին, որ նկատելով վանքի կիսաւեր կաթողիկէն, նուիրել է նորա նորոգութեան Համար 10 ուրբլի : Այլ ուխտաւորք ևս նորա յորդորանօք Հետեւել են նորա օրինակին և նուէրներ տուել նոյն նպատակի Համար, որով կազմուել է 64 ու 40 կոպ. գումար:

ՀԱՄԱՌՕՏ

Հաշիւ ելից և մտից եկեղեցական—ծխական երկսեռ ուսումնարանաց Հայոց Մօզդոկայ, յընթացս 18⁸⁹/90 ուսումնական շրջանի.

ՄՈՒՏՔ

Առձեռն դրամ, անցեալ 18⁸⁹%, ուսումնական շրջանից

մնացած

Քաղաքի երեք եկեղեցիներից ի պահպանութիւն ուսումնարանաց 2100

Բ. Կ.
113 31